



BOSNA I HERCEGOVINA – БОСНА И ХЕРЦЕГОВИНА - BOSNIA AND HERZEGOVINA
FEDERACIJA BOSNE I HERCEGOVINE - ФЕДЕРАЦИЈА БОСНЕ И ХЕРЦЕГОВИНЕ –
FEDERATION OF BOSNIA AND HERZEGOVINA

JAVNA USTANOVA CENTAR ZA EDUKACIJU SUDIJA I TUŽILACA
JAVNA USTANOVA CENTAR ZA EDUKACIJU SUDACA I TUŽITELJA
ЈАВНА УСТАНОВА ЦЕНТАР ЗА ЕДУКАЦИЈУ СУДИЈА И ТУЖИЛАЦА
PUBLIC INSTITUTION CENTRE FOR JUDICIAL AND PROSECUTORIAL TRAINING OF FBiH



Broj: 05-34-225-05 /22
Sarajevo, 18. 05. 2022

Na osnovu člana 8. stav 1. tačka 1. Zakona o Centru za edukaciju sudaca i tužitelja u Federaciji Bosne i Hercegovine ("Službene novine FBiH", br. 24/02, 40/02, 59/02 i 21/03), Upravni odbor Centra za edukaciju sudaca i tužitelja u Federaciji Bosne i Hercegovine, na svojoj XIV sjedinici, održanoj 18.05.2022. godine 2022. godine, d o n o s i

P R A V I L N I K IZMJENAMA PRAVILNIKA O KATEGORIJAMA, PRAVIMA I OBAVEZAMA EDUKATORA CENTRA ZA EDUKACIJU SUDIJA I TUŽILACA U FEDERACIJI BOSNE I HERCEGOVINE

Član 1.

U Pravilniku o kategorijama, pravima i obavezama edukatora Centra za edukaciju sudija i tužilaca u Federaciji Bosne i Hercegovine (broj: 05-38-119-03/18 od 07.03.2018. godine) u članu 5. stav 1. iza riječi „organizacijama, stoji zarez i riječ „advokati“.

Član 2.

U članu 7. stav 3. u alinejama 1 do 4, interpukcijski znak ; (tačka-zarez) se briše i umjesto toga stoji „i/ili“

Član 3.

U članu 10. stav 1. tačke a.) do tačke e.), parametri vrednovanja mijenjaju se glase:

- a.) Umjesto „30 bodova“ stoji „do (50) bodova“
- b.) Umjesto „25 bodova“ stoji „do (20) bodova“
- c.) Umjesto „20 bodova“ stoji „do (15) bodova“
- d.) Umjesto „15 bodova“ stoji „do (10) bodova“
- e.) Umjesto „10 bodova“ stoji „do (5) bodova“

Član 4.

Poglavlje XIII i Poglavlje XIV i odredbe čl. 22. do 31. – brišu se.

Dosadašnja Poglavlja XV, XVI, XVII i XVIII postaju Poglavlja XIII, XIV, XV i XVI, član 32. postaje član 22, član 33. postaje član 23., a koje izmjene naziva članova slijede nominalno do kraja pravilnika.

Član 5.

Ovaj pravilnik stupa na snagu narednog dana od dana donošenja i objavit će se na intranet stranici Centra.

PREDSJEDNIK UPRAVNOG ODBORA
Doc.dr.sc. Smajo Šabić



OBRAZLOŽENJE

Visoko sudsko i tužilačko vijeće BiH, svojim dopisom broj: 07-13-3-2195-/2018 od 24.10.2018. godine, dalo je komentare na važeće pravilnike o kategorijama, pravima i obavezama edukatora entitetskih centara za edukaciju sudija i tužilaca i iniciralo njegovu izmjenu. Komentari Vijeća odnose se na važeće vrednovanje kriterija za izbor edukatora Centra kroz proceduru javnog konkursa, koji posljedično mogu dovesti do situacije da sudije i tužioci koji nemaju naučna zvanja ili objavljene radove budu eliminisani iz konkurencije za edukatore. Vijeće je, također, mišljenja da su u članu 5. Pravilnika, u taksativnom nabranjanju stručnjaka, koji pored sudija i tužilaca mogu učestvovati u konkursnoj proceduri za izbor edukatora „ispuštene neke kategorije podobne za edukatore“ navodeći iskusne advokate, pravobranioce i dr.

Kako u 2022., godini ističe mandat stalnih edukatora Centra koji su imenovani po osnovu konkursne procedure provedene po važećem Pravilniku u 2018. godini, prije pokretanja novog postupka javne konkurencije za izbor edukatora neophodno je izvršiti izmjene važećeg pravilnika, uvažavajući komentare Vijeća.

U tom pravcu, prijedlog Pravilnika o kategorijama, pravima i obavezama edukatora Centra za edukaciju sudija i tužilaca u Federaciji Bosne i Hercegovine sadrži slijedeće izmjene:

- u članu 5. pravilnika su kod taksativnog nabranjanja stručnjaka koji mogu učestvovati u konkursnoj proceduri uvršteni i iskusni advokati.
Kako član 5. generalno normira da u konkursnoj proceduri mogu učestvovati „ *eksperti za pojedine oblasti zaposleni u državnim organima i drugim organizacijama, agencijama za provođenja zakona i nevladinim organizacijama*“, smatramo da je ovakva odredba odgovarajuća i da obuhvata i pravobranioce, službenike poreskih organa i dr.
- predloženim izmjenama pravilnika ukinuta je nejasnoća vezana za kriterije za izbor edukatora u smislu da su novim rješenjem izmjenjena pravilnika kriteriji postavljeni alternativno (član 7.);
- u članu 10 pravilnika potrebno je izvršiti izmjenu parametara vrednovanja kandidata, na način koji će omogućiti da iskusni sudije i tužioci najviših instanci, koji nemaju akademska zvanja, objavljene radove ili iskustvo u edukaciji budu izabrani na stalnu listu edukatora Centra. Ostavljeno je Upravnom da odboru da razmotri ovo pitanje i usvoji novo vrednovanje i bodovanje kandidata po utvrđenim kriterijima - vrednujući radno iskustvo i rezultate u području prava za koje se vrši izbor na način koji će omogućiti da najiskusniji sudje i tužioci budu angažovani kao edukatori Centra.
- predloženim izmjenama pravilnika brišu se poglavlje XIII i poglavlje XIV. Dosadašnja Poglavlja XV, XVI, XVII i XVIII postaju Poglavlja XIII, XIV, XV i XVI, član 32. postaje član 22, član 33. postaje član 23., a koje izmjene naziva članova slijede nominalno do kraja pravilnika.

Ovdje se radi o materiji koja reguliše finansijska prava i obaveze edukatora koji se odnose na utvrđivanje i isplatu naknada edukatorima Centra (naknada za vršenje funkcije edukatora, utvrđivanje visine naknade, pravo na smještaj edukatora, isplata putnih troškova i sl).

Kako je Centar za edukaciju sudija i tužilaca u Federaciji BiH javna ustanova osnovana zakonom na nivou Federacije BiH, koja se finansira iz budžeta Federacije, obavezan je svoje finansijsko poslovanje uskladiti sa važećim federalnim propisima i podliježe redovnim kontrolama Federalnog ministarstva finansija- Jedinice za internu reviziju, te je obavezan postupati po svim datim preporukama, smatramo da je potrebno ovu materiju regulisati posebnim internim općim aktom.